

皇清文穎續編

皇清文頴續編卷十八

雜著

闡謨 謹序

朱珪

皇上至仁天憫知臨幾灼神武乾斷初討金川服則  
舍之不訖厥誅旣而蕩伊犁收回部光

列聖之緒闢地二萬餘里極天西北哈薩克布魯特  
鄂罕土爾扈特咸先後歸命內屬土圭測景至  
于日入之部枕矣旼矣古未有也乃促浸趨拉

比惡僭德大師克之五年掃其窟巢罪人族俘

功成大釐

臣伏讀

御製平定兩金川告成太學碑文暨

勒銘美諾勒烏圍噶喇依之碑仰惟

聖謨淵濶

天佑信順靖民之勲一勤永敘猶

心惻衆勞若將不及蓋堯禹之克讓克艱不矜不伐

大聖人用心萬古一揆也

臣珪蒙

恩慈再入翰林欣觀

盛烈愧黜淺荒落無毫髮裨效注鳴翼振亦欲鼓舞  
太陽太和之光氣竊不自量作闡謨一篇庶竭摠愚

忱宣繹

天子睿聖功德颺于無疆謹頓首以獻其辭曰

天以大氣束九輪陰擎陽張亭毒蠱螫或戴景而衛  
跡或匿暉而巢蟲馮生攫網孰溢靜是厥惟大君仁  
以均之知以先之勇以刺之有不若迪辟以止辟所

以康兆民也故潰夙沙鑿絕轡疇華誅三危竄有扈  
勦絕鬼方既濟聖人皆祇之非得已也昔周舞庸蜀  
秦嘲牧犢蹊其金牛卽于白鹿漢開四郡竿牒變俗  
深入不毛葛姜之勞有唐不競遂驕吐蕃麋谷清水  
要盟屢寒羌眈視乎全蜀迺嫁婦于維州謀而取之  
城曰無憂牛李爭柄殺悉怛謀金川故縣小封更置  
王建徙州棄其地利劃大渡以玉斧宋割險而不治  
元設碉門暨長河西明障雜谷隣金川寺稍蠶食之

聿遷其地夫金川者固三十三番之黑子而董卜韓  
胡之細也叩籠之巢攫風乎上碣下碣牛皮之筏箭  
括乎沱水孫水繩橋縣度之摩曳白狗白蘭之脣齒  
連天萬巉絕地寸跬遠達烏斯之藏俯瞰井絡之底  
苟燕尾之有毒雖顛孽其必摘  
皇天啟佑我

國家自我

列祖出震御天八紘八黃同于太平

皇帝紹

重光求民莫兢兢乾乾無一夫不被潤澤惟十有三年金川用師則以促浸之蹂躪拉而澤旺轍也元戈西揭郎卡面革

帝曰宥之是我大造于爾金川而不利其壻也

天畀所覆何遠不輟犁伊犁爲平川芻宛馬于內廐準夷四衛屯田列堠其陽城郭至拔達山葱嶺和闐實窮河源徵張騫之鹽澤辨篤實之火敦遂臨西海

真睹崑崙二萬里外國之西門徑乾馭而包坤角彼  
汶山華離之地曷足云乎然而

天緯旭卉機發必克釐拉首禍促浸偕德澤旺昏而  
僧格桑世其凶郎卡死而索諾木稔其慝始則賢栗  
擒乎鹿葵旣而剿女妻乎無弋狼狽負固而逆命歷  
驢同難而荐食亂革布之室家躡鄂什之疆域

天子以爲鞏金隄者墮蟻穴力原田者芟陂蒔不一  
勞不可以久逸不暫費不可以永寧師出以律否臧



是懲枕參首而

命將執螯弧以先登於是摧巴朗復革布資哩既克  
美諾入據薨兔走其三窟飛蟲懸於一縷姑句跳而  
從其妻迷唐號而夷其父方移金鼓於昔嶺詰罪人  
之逃逋賊乃善幻山鬼夜諱乘無備之莫敖戕致果  
之狼暉小往大來一發一斂

天將盈而殲旃故不可以五稔也當噶一路整軍而  
出

皇帝申命阿桂益汝吉林索倫黑龍江暨健銳火器  
凡兵七千惟汝定西將軍帥之時則天策電掣虎螭  
麋至六軍一心

廟算神契西南夾擊大風掃隧隕八卦之連雲剗兩  
宗於挾日再收美諾而趙拉之功訖矣

詔攝提格摩太一鎗鑿天險誅魁兇馬尼南搏谷噶  
西鎗宜喜絨布角摘肩膊西路大軍直鉞羅博色湖  
喇穆抵於默格忽超前而蹶後稟

九重之指搗鏡萬里如投箭康薩爾梁嶮嶢劍鋒太  
古積雪嵯峨龜裂九鳥不照飛鳶顛達木思工噶裕  
訝問豁三年之阻一日而撥其時北師自日旁茹寨  
攻石真噶沙爾尼戰河之西而大軍克噶爾丹及噶  
朗噶踞高而控低刷遜克爾宗如鞭尻雕仰剽昆色  
火炎拉枯菑則大海燐燐池魚拔柵木以爲棧凌章  
噶而上梯遂披冷角寺次於勒烏圍是惟賊之舊巢  
錮重甌而獨牢矗經樓於天半礪卡傑僂而錯交困

獸入穴層广外包五丁顧而躑躅九攻盡而莫挑於  
是槎林樹柵截河極梓鈎甬鼉而石筍折燧龍牛而  
冰崖鍛擁沙囊於上流鳴鼓角於地竊降天出淵神  
駭鬼瞋中秋之望圓靈鏡空蕩滌月躡蕭條天風鯨  
鯢他藉招搖奏功遂以夜半克勒烏圍捷書八日  
聞於木蘭之

帷宮我軍合圍逼噶喇依跨梁踰溝先克西里乘其  
高標風怒火舉奪科布曲及索隆古舍齊雍中趾入

庭戶南北兩路破竹解瓦掃獨松驅馬邦大會於磨  
下乃簪狸物火蟄獸投焚石砮天鼓纒橐影鼪蟻蠊  
不漏扇鑪鑊於大冶鑠崑岡而裂吼狶豕翫投絕其  
哺穀厄焚顙天罪大莫宥於是嬖姍媿徒斑蘭精夫  
鳥語哀牢之母項髻朱戟之婦槃瓠則男女搖尾鄭  
瞞則舅弟駢首窮虬匍匐乞命晷刻乾隆四十一年  
春二月丙午索諾木率其兄弟莎羅奔甲爾瓦沃襍  
爾斯丹巴及黨惡大頭人丹巴沃襍爾等就擒於軍

金川平甲寅

帝方祗謁

東陵

蹕桃花寺紅旗至惟

皇天

列祖孚佑

聖志中外大悅

神人咸喜

皇帝曰吁惟將軍阿桂百戰蕞事功第一列爵上公  
有加賜自副將軍以下論功封賞以差圖形  
紫光閣相臣將臣冠劍鱗次乃徵

帝典敷

文思

銘太學之碑暨美諾勒烏圍噶喇依

天子穆然念康功甚勤而勅命之不易也一篇之中  
三復致意碣石鼓而汁五緯廟玉壘而表萬禩告功

秦陵

大孝繼

志扶

安輿啟華芝澤春淀延

蕃釐甘雨滲漉條風旖旎

日車東轍叩大觀而愴

德威

登岱宗陋亭云告成



闕里偃伯秩文復租稅却貢琛養耆老甄秀峻旋  
龍舟棹析津覽來牟之苗畝樂豐年之專與孟夏之  
月六軍凱歸乃

幸良鄉郊臺而勞之萬騎按隊鑣螺震天貌甲虎韞  
觀者如雲

皇帝謁

天受祉張黃龍之熏御翠鳳之邸將軍前臨行抱見  
禮

天光霽穆

清問燕喜乃扈

鑾啟行馬上奏凱歌三十章攤常杜之華皖韻勺飭  
之鑠清鈞天雲門訢合歡聲格於

帝京前期以索諾木及其人屬獻於

太廟

大社

皇帝乃御午門司馬牽組司寇致辟受俘於

闕下五月朔恭加上

聖母皇太后徽號曰

崇慶慈宣康惠敦和裕壽純禧恭懿安祺寧豫皇太

后惟億億年萬方咸

寧六合由

豫惟

聖母篤

天禔祐乃

頌詔天下告於

郊壇名山大川徧於羣祀行慶施惠莫不煦嫗朝賡  
衢歌雖離乎羣雅鏘鏘乎九夏

訐謏定頌聲作乃爲遠人畏

德感

德樂

德三章之詩備鞮屨焉畏

德詩曰羌氏石處雪霜之窟山巒蔽虧不見日月大

夏涸凍不知寒苦

天威赫昉霹靂澍雨鑿巖築礪莫我堅厚塹江竿橋  
莫汝險溜今何有哉蕩蕩戶牖趙拉函顛促浸族拘  
兄弟母孥長繩曳婁蜀之西北有大山海  
皇帝治之亘二萬里傳告種人東西拜跪

皇帝萬壽有向無倍感

德詩曰昔九土司日夜弄兵爾牙我肉狼藉壑阮革  
布什咱爲促浸斫掠其婦女嫫嫫熾弱彼鄂克什與

趙拉讐埋蠱呪詛俾汝虔劉謂維州橋可以踰蹶鵠  
鵠仰嚇

天奪汝魄

皇帝

天哉誅鋤罪人殪彼豺狼卹此寡矜自今以始我田  
我麥我羊我牛莫我辛螫芟蕪班罽勃窣蹈舞  
皇帝萬壽心歸

大父樂

德詩曰峨峨岷山湛湛江水去天一尺江歸於海正  
陽化醇熙熙若春王哉林哉今爲內民夏有甘露秋  
無盲風冬日曠暄雪水和融蜀土磽腴咸

賜復除赦過宥罪與民暨甦疑疑都護我鎮我撫  
昀昀屯田我戍我保自狼槃木樂漢之大烏斯朶甘吐  
蕃邏娑

天錫

皇帝覆育中外日月出入無有疆界

聖德高厚恩澤周匝

皇帝萬壽與

天意合陳詩歌之

天人之孚四極大和嘉祥允符是故一夫不獲坐以  
待听惟

皇帝仁榮鏡萬幾不應俟志惟

皇帝知勿貳勿疑九圍以鞏惟

皇帝勇百姓日用而不知



聖人之謨豈不睿哉堯曰日慎一日舜曰惟時惟幾  
禹曰孜孜德先祇台故動則有開必先靜則中心無  
爲以至於萬年固我

丕丕基

紀實

朱筠

乾隆四十有一年春二月

皇帝再平兩金川金川僻在西南其名不聞於古在  
漢冉駹唐維州絕徼之外隋嘗以金川名縣而唐縣  
之屬維者近之宋世金川之徭與邊吏接兵其事不  
著於正史明代隸雜谷安撫司與董卜韓胡同族  
國初順治中沃日歸誠康熙六十年土舍色勒奔初  
內嚮實受印信爲我外臣其地南踰蜀徼西連危藏

危藏者禹貢所稱南海三危地也而金沙諸江之源  
往往濫觴其間於是有金川之名又西番語大川曰  
促浸小川曰趙拉於是有兩金川之名其中純山少  
平地瀘水奔流其中太古壘石飛雪不消箐林蒙樹  
尺寸踣躓無路其人漆跣能自下上若鳥迹獸蹏然  
越在荒服不覲於邊羈縻勿絕而已十三年狼卡首  
旣繫趙拉土司澤旺以抗命

命大學士傅恒往經畧諸軍至軍先召其黨良爾吉

阿扣斬之狼卡懼時提督岳鍾琪獨身入噶喇依宣  
諭

威德狼卡乞降

皇帝赦之不殺俾守其土司如故而歸澤旺於趨拉  
故地然促浸自恃所處遠險外隔美諾中有勒烏圍  
噶喇依之重障意中國師不能度巖輕入而其兵力  
在九土司中號最強用敢不靖淳食鄰部二十三年  
促浸以兵逐革布什咱土司索諾木多布丹及趨拉

土司之子僧格桑於吉地官寨四川總督開泰檄調  
綽斯甲布兵斷其糧路又令章谷土司助趨拉攻之  
而遁時以番部互讐殺不足誅

詔九土司并力分戰促浸以番攻番可無勞中國師  
久之促浸據丹壩之沒亦金岡二十七年秋七月侵  
綽斯甲布之甲角俄坡地九月與從噶克梭磨卓克  
采革布什咱三土司戰冬十月兵擾巴旺之隔河瓦  
素地二十九年潛兵赴趨拉綽斯甲布所在劫掠三

十年再襲綽斯甲布與鄂克什搆兵不休三十一年  
秋九月狼卡來言乞

頒前所請印信冬十月總督阿爾泰等赴康八連狼  
卡迎於道側願悉反諸土司侵地以其女嫁趙拉土  
司之子僧格桑三十五年趙拉侵鄂克什地據之明  
正木坪兩土司請往諭趙拉不從則擊之秋八月阿  
爾泰等赴連圍僧格桑來稱其父澤旺老病且言鄂  
克什部詛其父子故搆讐今願罷兵歸其地與所掠

人許之促浸趙拉益橫無所忌且其俗譌傳有殺至  
維州橋之謠兩部輒妄相詡以爲狼狽相依雖中國  
莫如予何三十六年夏四月促浸土司狼卡之子索  
諾木以計蠱革布什咱部頭人戕其土司索諾木多  
布丹并竊其妻阿爾泰以兵往責問索諾木倔彊不  
聽命且攻鄂克什部六月促浸索諾木趙拉僧格桑  
兩酋陰相構煽期日發兵分侵明正土司界以叛秋  
七月

詔總督阿爾泰等分路討叛者冬十月克復明正侵地十一月阿爾泰罷

命大學士溫福自巴朗拉總督桂林自約咱進剿十二月並克之三十七年春三月桂林遣軍收復革布什咱故地溫福克資哩尋罷桂林

命阿桂爲叅贊大臣赴南路冬十一月阿桂攻克翁古爾壘十二月克僧格宗遂克美諾溫福攻克布朗郭宗底木達執土司澤旺以來趨拉悉平而僧格桑



自美卧溝遁走促浸乞援於索諾木兩軍既會乃

命溫福爲定邊將軍阿桂副之溫福自攻噶爾拉阿  
桂自當噶爾拉進討促浸三十八年春溫福移軍於  
木果木克昔嶺夏六月索諾木旣得僧格桑留不遣  
而遣其頭人七圖安睹爾歸師與之偕間道趨美諾  
號其故番之降我者厥衆蠶起蔽木果木山背而上  
以搯我軍溫福遇害

皇上赫然震怒

命磔澤旺於市秋七月阿桂在嵩噶聞木果木變爰  
自南路全師而出

皇帝按圖山川阨隘以軍事問阿桂阿桂具言賊么  
磨耳然據地險誠不易攻臣奉

天子之威靈將士戮力多算者勝賊必可滅也於是  
授阿桂定西將軍印豐昇額明亮並爲副將軍富德  
爲叅贊大臣調滿洲健銳火器營索倫諸軍赴軍冬  
十一月阿桂克資哩攻阿喀木雅美美卡木蘭壩悉

復之明亮自南路克赤思丹

上以半歲所克旋失之地復於兩日旣

嘉兩路將軍奏克之捷特以伯益之稱滿招損謙受

益者訓之於是阿桂又克路頂宗明郭宗再取美諾

收復趲拉全部明亮又克僧格宗阿桂又收復底木

達布朗郭宗曾頭溝所在三十九年春正月甲子明

亮克馬尼山前之拉窠克石用地雷碎其碉壓賊死

大半富德繞出山後克其丫口合爲一奪取絨布寨

癸酉明亮克木溪庚辰巴圖魯興保善先陟其山巔  
有賊數十人橫峰出舉鎗擬我其火不然我軍揮刀  
縱火而前山嘴列礮遭火自裂我軍之氣百倍進克  
其卡卡角卡卡角山半石隙一線可通馬爾邦土人  
云是爲促浸南路第一隘

皇帝聞之曰

上蒼之佑我軍也是時豐昇額舒常攻宜喜未下與  
絨布寨軍阻險止兩軍與將軍軍出三路三月丙子

阿桂克羅博瓦山梁賊轉畧下擊我軍傷者不動伺  
賊偏發穀中賊立斃夏六月克色溯普色溯普山梁  
中三大礮兩坡礮左一右二狀蛇之應會甲午夜雨  
霽月落先伏索倫軍於山兩隘將軍率敢死士銜枚  
直上破二石卡賊大駭合鬪戰酣則開一角縱之賊  
走隘遇伏疆牆射之殪須臾諸礮盡下色溯普羅博  
瓦兩地並堅礮賊以死守我軍先後殲之直臨遜克  
爾宗自用兵以來此一戰殺賊爲最

上諭將軍曰朕好生不忍多殺其明告以棄逆來順者寬之於時賊大創其拒我益無罅阿桂遣諜偵賊守懈所謀言喇穆喇穆崖斗峰蠱不我虞也則麾師隲隘溜薛蟄息猿引而上並攻日則了口下之時南路頓宜喜久明亮尚軍絨布寨乃

詔豐昇額赴西路與將軍軍會令明亮分兵七千助舒常進攻明亮以不得賊要領亦欲西會綽斯甲布土司請前驅明亮乃冒雨走宜喜山梁出賊不意克

之遂克達爾圖九月促浸師遁獲趲拉頭人七圖安  
睹爾等僧格桑妾側累亦降械至

詔詰促浸令出僧格桑促浸言已死獻其顱骨側累  
識之齒齠有齠冬十月阿桂克默格爾阻雨於康薩  
爾山下四十年春正月庚申雨止夜潛師拔鹿角超  
重濠據其山巔復雨雪師不進夏四月辛卯攻木思  
工噶克其丫口木思工噶與式梯爲賊呼驗要害自  
康薩爾至丫口我以銳師破其連柵排礮沿河所向

掃賊無遺阿桂奏

上具言臣此役一日而收三年未竟之功矣初明亮以賊掘斷達爾圖路不得前阿桂乃檄福康安將千人助明亮攻甲索海蘭察亦往會攻克撒撒谷而和隆武亦攻克日旁和隆武故將軍和起子也勇冠軍明亮令曰丁酉旦畢攻和隆武先夜半與所部趨上日旁山後突入賊碉賊積鎗石不及發而克於是達爾圖之得楞所在輒下明亮軍旣得日旁與阿桂所



攻之日爾八當噶隔一河耳於是阿桂遣舟渡福康  
安諸軍並攻山溝之斯年木咱諸寨克之兩路軍合  
乙巳阿桂克式梯明亮克茹寨收其麥田五月甲寅  
阿桂攻獲噶爾丹寺及噶朗噶諸寨噶朗噶者促浸  
一大聚落也而噶爾丹寺賊中相指語曰名剎我軍  
得之居旣高勢傾賊穴而遜克爾宗當我軍之後阿  
桂計必先取之於是分三路旋攻豐昇額先大軍登  
梯墻毀寨而入殲賊於礮中自是我軍直前不顧秋

七月明亮夜運礮石真噶下喧嘩以亂軍聲師進拔  
之戊申阿桂攻巴占計欲取拉枯喇嘛寺而昆色爾  
喇嘛寺更踞其上山立如柱蟻緣乃可升卽緣而升  
莫防其後於是紆軍舍圖在卡溝中斷岩洞賊來襲  
我令泰斐英阿直搏昆色爾人人履頂而上竟克其  
寺海蘭察亦攻克果克多山峰進圍拉枯喇嘛寺曠  
之常保祿亦攻菑則大海頽其厚垣辛亥阿桂克章  
噶寨章噶寨斗立拉枯喇嘛寺下賊於礮外鑿溝取

敗葉朽株布匝溝上薄土覆之鎗眼隱溝旁溝外立  
柵以誘攻者我軍覺之斫柵橫溝乘之以登且登且  
斫據其兩山峰其日明亮白石真噶下壓克噶西喇  
嘛寺丁巳又下壓克沙爾尼溝所在焚其溝南與將  
軍隔河而軍戊午阿桂繞巴占八九峰後攻獲冷角  
喇嘛寺進逼勒烏圍官寨戊辰富德遣軍掘地道成  
當噶咱普山腿河灘之間河南軍五隊河北軍五隊  
庚午自將施火線火從山腿轟裂而上木城石卡當

之礮下賊守者飛尸空中兩鮮而墮舒常阿蘭泰等  
橫撲山蹊踈懸崖折上取其木城癸酉阿桂并日夜  
攻轉經樓其製與勒烏圍大礮相犄角中間間以層  
礮高礮五重疊山而上阿桂以一軍斷中間使賊不  
得相援一軍沿冷角寺並河之西北而南截賊走水  
之路賊有橋曰甲爾日磔橋從橫往來自相救乃募  
楚士善泅者繫巨絙於橋柱拽橋圯之又以礮距賊  
遠我軍火鎗不及中則令軍捆柴人戴之以手推沙

囊蒲伏行至礮沿積之覆以木柵三重俯擊礮下賊  
無不倒又穴地用礮轟賊之掘溝以拒我者百策並  
舉賊大窘感爰以八月庚寅望夜合圍月出當午礮  
震鎗發火彈馳翫呼聲與之俱礮石撼動莎羅奔兄  
弟及頭人丹巴沃雜爾先竄我軍拔柵斫圍更戰賊  
潰死相籍閱亥子丑三刻及曙辛卯克勒烏圍明亮  
亦畧琅谷以上焚其克爾瑪斯當安寨九月甲戌晦  
阿桂進攻西里冬十月戊寅明亮自斯當安克什札

古閏十月辛亥攻琅谷望見我軍之攻克爾滿色札  
木者悉上山陳奎林等自溝中出山之顛遂克札烏  
古山梁阿桂軍先克西里之黃草坪乙卯分兵三路  
仰攻檄福康安等繞出木城背下壓賊軍丁巳築礮  
臺二擊賊戊午夜烏什哈達等衝而上掣木城十四  
克西里山其日富德夜克布咱爾尼山梁十一月甲  
戌朔阿桂攻西里第二峯曰奔布魯木我軍乘夜冒  
鎗礮而登亂擲火彈大風助之木城焚海蘭察乘火

直取奔布魯木小峯後隊自上壓其西里正寨克之  
庚辰明亮自甲索至日斯滿又至札烏古木並河悉  
下遂據碾占十二月戊申阿桂軍亦並河攻薩爾歪  
寨偪科布曲索隆古下令達色等攻其左烏什哈達  
等攻其右海蘭察等自上下攻又檄福康安等逼河  
奪賊寨四面軍集薩爾歪下立克之甲子明亮克山  
梁三丙寅阿桂奏克格隱古科布曲索隆古所在山  
梁

上諭曰索隆古距賊巢不遠自此剋期平賊矣庚午  
阿桂自索隆古進師據則朗丫口明亮克獨古木鑿  
通乃當山梁壬申晦克甲雜直抵獨松極於河西四  
十一年春正月癸酉朔明亮軍克獨松隘口遂搃馬  
爾邦與阿桂軍會丁丑明亮軍於巴布朗如巴布朗  
如臨河斗險阿桂軍三面圍賊巢其一面限河至是  
圍始合富德亦自馬爾邦並河克噶咱爾如諸寨會  
軍進勦於是阿桂進克舍齊喇嘛寺又克雍中喇嘛



寺兩寺當賊之吭咽我諸軍扼之賊成擒矣自克勒  
烏圍賊部雜遯來降頭人布籠普阿納木達什阿庫  
魯等相率降至是索諾木之母阿倉姑阿青悉降諸  
軍並進合圍令曰水軍絙水陸軍柵陸毋令賊得逸  
凡四十餘日索諾木惶懼遣其兄岡達克彭楚克詣  
營覘我繫之賊乃技窮不克自死二月丙午索諾木  
率其兄弟莎羅奔甲爾瓦沃維爾斯丹巴及爾土婦  
頭人丹巴沃維爾阿魯木綽窩斯甲尼瑪噶喇克巴

並兩喇嘛醜屬二千餘人出噶喇依寨奉印信跪獻  
於軍門生卽俘獲兩金川平乙卯

皇帝方祇謁

兩陵捷奏達於桃花寺

皇帝御行幄穆然謂

列祖在天之佑感通不爽也爰封定西將軍阿桂一  
等誠謀英勇公副將軍豐昇額以攻遜克爾宗先登  
加封果毅繼勇公再賜一等子弟布延達賚襲爵明

亮一等襄勇伯叅贊大臣海蘭察一等超勇侯額森  
特一等男領隊大臣奎林本公爵加賜一等男其子  
襲爵和隆武以子爵進三等果勇侯福康安加封三  
等男又封大學士軍機大臣于敏中一等輕車都尉  
並世襲罔替復

詔圖畫功臣五十人於紫光閣於時奉

皇太后迎

釐於

岱宗過魯釋奠

孔子告成於學還

蹕夏四月丙寅獻俘於

廟

社戊辰

皇帝勞師率王公大臣拜

纛於郊勞臺將軍阿桂至自軍行抱

見禮以寵異之己巳

皇帝御午門受俘五月辛未朔

皇帝率羣臣恭加上

皇太后徽號

御殿受賀

詔頒天下慶禮大渼

御製碑文四篇一刻太學一刻美諾一刻勒烏圍一

刻噶喇依垂示世世臣伏而誦之仰見我

皇上聖德神功天地情覆

武烈之盛至於闢地西陲二萬里爲自古所未有然  
而金川小醜負險不庭近在四川省外用兵五年再  
克平之

御製碑文歆然比於唐之平淮蔡乃知

聖人不得已而用兵之心雖金川之役視西師大小  
懸殊要之我戰則克其理一也黃帝之言曰日中必  
甞操刀必割書曰其克詰爾戎兵臣愚以爲平兩金  
川其成昭著於將軍以下之戮力一心而其實本於

天子之惟斷乃成與唐臣韓愈所稱編之乎詩書之  
策而無愧者允哉符合臣橐筆翰林竊附斯義具列  
克平金川始末作紀實一篇稽首頓首以獻

睿繹 謹序

朱珪

乾隆四十五年秋八月恭逢

皇上七旬萬壽普天禔福

臣

伏讀周書洪範九五福

一曰壽唐孔穎達正義曰王者思睿則致壽言

睿爲五德之本思爲君主之官猶黃鍾之官名

和而凝命也堯典曰欽明文思安安臯陶贊舜

曰慎厥身修思永然則詩書所載聖主祈天永

命必有所以致之者也

臣

沐浴



壽宇賡舞太和竊忘其鄙陋作睿繹一篇推本

天子睿聖之德徵乎文章功烈之盛而篤無疆之

天祐者誠足陶甄唐虞而鞏

景命於億萬年矣謹拜手稽首以獻曰

遂初大赤含華中黃紐牙綢緼摩盪孰宰孰樞三辰

組天綱爲斗車六味甲地埴壤黎廬人統乎聖思通

乎虛不息則久與天地俱連哉三皇五龍之紀訖於

赫胥尊盧或以二萬八千歲始或以千二百歲修或

以三百年著蓋遐邇寥濶不可典據孔子刪書斷自  
唐虞放勳重華粵稽而知勅天之命思日孜孜周公  
作無逸述享國之本在知小民之依厥後太元神策  
覲七十二代唐志上瑞名六十四事祥符真牒麥百  
冊八繪乃陞九疇而尊七緯憧憧揖揖豈曰睿乎我  
大清受

命乾確坤固

皇上握三才之榮鏡宣

五聖之光燭濟哲性成緝熙學聚斟元五期統天六  
御穆穆純純宥密旭卉中夜以思呼吸

帝謂乃圖鍾假

天神函鍾出

地亢肆獻祿饋食慤於四時松雲饒愾永言

孝思至德爲本津根篤枝

思我

國家肇基大東

創業顯庸長白松杏鴨綠混同

賦盛京而

三謁敘薩爾許戰功揭艱難

神武之烈貽厥無窮

思在昔裴迪篤記功宗乃惇敘親賢闡幽紹封因心

繼

志德厚信砥

思萬幾惟一日二日昧爽丕顯日夕不遑暇逸以渙

大號而在治忽八枋之張猶省括也四門之闢猶庭  
闥也

思民惟邦本曰雨曰暘冷風清剛

祈穀

大雩藉田墾畛省歲所在方隅水旱則大發金穀以  
振之遂

賜蠲緩巨億億萬

特詔普復天下惟正之供者數焉損上益下大資之

曠典也

思五方之民必

躬親覽觀乃周知其隱自畿甸而近北獮木蘭東秩

岱宗

詣闕里於兗涉淮而江

巡於吳越西隄五臺中嶽太室百年熙熙跂

翠罕焉櫟石沈玉黃復其道廝渠引河淮潏於堰捍

潮築碣海平於準康功田功萬世永賴則

心勤而猷遠也

思覲

光而揚

烈在詰兵以講事秋獮冬閱纒橐載旆射廳彪鏃  
猱律西征不庭洗馬月窟組名王於

廟社蕝

兩朝之撻伐伊犁厲揭和闐壁厥疆拔達山闢二萬  
里至於大宛康居崑崙條支辨河源而臨西海并絡

之陂金川負隅再舉盪之架入其岨

德威所屆六台一家乃敷

文思覃

文教天稷濬源天葩揆藻信

天開惑之論太學

告成之碑百六全韻之體七十二候之詩

御製四集海富日新莫能究窺

開經筵闡史與蠹三閣之津淵緝四庫之薈要惟



聖多能龍書雲畫同文九譯又極游藝之神妙也於是

天子淵然而思曰予承

天釐保民極者於今七十年敬之敬之其敷錫厥庶民乃增甲乙之科下鳳皇之

綸庚子元日宴醕飫

恩

詔書二十遐邇合祈春

幸東南中夏

蹕旋格於

北壇

皇帝曰嘻天下其勿以介祉爲事奢侈華紛子將莅  
乎山莊避暑之宮時則老人出丙重輪麗天梯航麋  
至鸛鵬來琛乃有岡底斯山日喀則城曰班禪額爾  
德尼越萬里而用寶昔在崇德固始識  
真人之興朝於順治達賴荷金印之

頌百卅年而再至祝

純嘏於

聖人以大梵音演無量義遂說偈曰頂生大輪王治  
世八萬歲地味如醍醐如生酥如蜜四寶須彌山阿  
耨達池水頗胝師子口流出徒多河爲閻浮提源浩  
浩注東海奔荼利迦華香聞大千界如兜率天壽五  
十七億萬他化自在天九百億萬歲非阿斯陀果不  
作壽者相

皇帝大功德福不可思議於是秀眉顴齒國老庶老  
文學博士鞠脰同聲而稱曰天地恒久我

皇體之人情爲田我

皇理之奉三無私

一心無爲不思而得萬福純熙四極之和交鬯中外  
之歡允洽

天子方定

天保觀日莢鏡至中勤駿業斥奢崇儉

示民無乏

至德不德戒之撝挹

思難圖易在宥咸燮鈞鎔仁壽喜氣醲浹

心之精微崇效卑法

萬年亶亶自

天佑之惟

聖睿哉惟

聖壽哉

原紀 謹序

吳省欽

臣謹按五絲曰緝四緝曰紀自紀積算浩無既極其在泰古攝提合洛諸紀紀二十七萬六千  
年子孳紀天丑紐紀地寅演紀人一星紀十二  
年洛疇敬陳以歲月日星辰象數爲五紀史臣  
統言動而記之亦謂之紀紀之體繫日繫月繫  
年年日引日增日多而日長遠今

皇帝御紀之四十五載珥釐翼祺延洪羨衍軼曩紀

倍萬每上章壯月際

聖旬壽史牒大書茲又加子舉朝爵土窅邈至萬邦  
黎獻革心面內植髮頤鼻之長黃衣冠之師告  
瑞應曰子者陽德所起萬物渾敦渾敦渾渾頓混  
淪昆侖也庚之言剛也物至秋堅剛又年齒曰  
庚申命令曰庚

天申命我

皇上大年年之旬必以庚今紀

壽旬七若方剛然若部會在子則混元始資於易卦  
爲復復之先自十一月朔五月凡七閱月陽道  
純健故其復不計月而計日玄歲紀如是

聖壽七旬猶七日之復如是是運世之本與天道之  
動以順行敦復反復確然示人指覩已古人臣  
受恩於君無可報稱類以壽考抒祝如天子萬  
年天子萬壽顧不詳上壽之禮與其日漢之上  
壽在元日李唐後始慶生日朝野協洽聖節載



燁

皇上頤葆冲邃弗受方賀然雍容揄揚下竭忠孝上  
美

功德斯義甚大若周書以殷中宗高宗享國之久歸  
之畏天命用法度勞稼穡小大無怨誠究極之  
論也孔子言知仁樂壽正義以成功得志少思  
寡欲明之此物此志也然於

聖紀繇茂之由猶未當百分十也封禪典引貞符之

文雖稱於後倭而廣之百有一當哉臣珥筆稍  
間循唐韓愈五原之目譔原紀一篇而計諸音  
原者察也推其本也故臚舉

福應而以道德之旨爲之旣其詞曰

耆有優游泰平杖鄉國之年厥躬康彊逢吉嗣昆話  
親戚召比鄰撰履從後祝餽導前光爛屏障填膺佩  
銀甚者騰臚官授弓璜司存給扶入朝耀首組綸蘭  
橈桂枻仰縣

奎文煜煜焉轉轉焉僉心稽目數以謂飲鄉之碩賓  
結會之老人備洽慶辰無乎禮者之禮也矧

聖人踐九五之位躋五九之紀屆

七旬之算送萬方之喜參曜羲陽合量乾始盡與敞  
密都居總章班爰間稱兕觥升臺萊之歌無期無疆  
語曰岱華不齊質於埴培渤澥不同度於漂漚壽爲  
福首載錫在疇生民芸芸端倪未祛九頭六龍年億  
萬餘然甚遼昧若金天之遶虹渚平陽之麗斗樞若

序書之斷唐虞

國家肇基大東惇龐純固仙果爲之孕涵靈鵲爲之  
遶護流融聳結稟粹太素故不數千之衆不淹刻而  
殲明四路也函夏告宅至和宴溫

皇祖懇嬰武者之弗肆於勤嶺越留幹河泝伊遜五  
舍十舍接哨木蘭周陞

御帳就撫百蕃綱茶配餅筍布束端牢呼蕭鳴之牲  
阨谷柔毛腫背之畜填山名雖寓於避暑

謀實切以貽安灑壑松其畏若日三朝者

聖孫講德祕館游藝期門於爍哉

諭教至早神器甚重不懣悚震動

皇旬歲之始而磐石措區寓肝蠻牖系統三十六景  
之表所由茗茗竚竚紀

祖恩卜堂棟也故曰位惟大寶壽必大德數以十成  
日以七復遐邇外內仰

皇上六旬聖節至今若乾象運旋而鑿度建極若離

象貞道而光景曜昔滴博蓬婆狼子在山異蛇雀之  
知報效蛩駘之比奸然而丟烏不足固札達不足患  
雍芟種類申儆衆頑視拔達伯克之傳檄一擒一斃  
而大軍愷還向校七畧勗繕四部經史子集定方置  
庫錄一字而受

裁歸三閣其分布討淵源於津逮

大文之神助然且體創而全韻聯

製鉅而四集弄視繕修繕頒史廿經六文醇文穎圖

志綱目映奎壁之宵躔仍好學以爲福淮海維揚域  
辨江浙鹽官有塘潮吐土齧茲者

咨覽乎龕赭之亶培疊乎薪石之竭徐方南北清口  
西東陶莊醜渠待昭衆讐圖曲直之黏黃循庠高之  
標紅及春決沛注注溶溶視五壩之水誌挑溜之木  
龍一補斯偏一賴斯永又加以豫壤之再平淮壩之  
五幸且夫正供四方成賦三等寅歲

賜蠲後庚先丙自一再而至三俾限年爲分省觀編

審之不議行思戶口之不議增艱難天造赫我

前寧周宗祭畢漢葉上陵不數不疎而

三駕興不顯不承而百辟型觀

祖制之典有必敕思

孝禧之類有必錫崇實去華繁道升降

迪牖蒙士衆流挽澤頓者芹靡者鼓解者省會者部

莘莘蹒蹒河漢黻黼觀

恩榜之及今而五知



壽考之作人而普禮時爲大次宜次稱冠服攸昭寬  
哀不競圖器物而司存解國語而訛訂亦給涓除靡  
共陰極皐雖減於漏師誅或延乎刑剝殷鑒匪遠陳  
泰阿戒倒握觀

訓討之胥本

鐵牌知習尚之當守

卧碑至如璧琮升崇

輦步酌宜惟督勞而後篤恭以循上儀也穢金饑木

汎舟出穀惟賑貧而後保息以留上熟也頒圭券鐵  
爵

予昭雪大報功而亦以睦親對

謨烈也効節勝朝直示勸褒亟憫忠而亦以定義準  
名教也封章絡繹旰晚

批諾論事同而因材實各大小法廉讞疑譴趨決幾  
獨而采聽克兼

聰明睿智足以臨

位祿名壽必以得改改純純祇祇翼翼假而穆居清  
靜誕引符命視勤思爲屑瑣目英斷爲急絙細旃廣  
廈狃其安嘉露甘泉陞其盛人天放梵涌其壇魚龍  
曼衍擁其鏡錦錯城而霓懸燈列市而珠映南任北  
休之夷尋橦角觝之倡戚畹獻鏡寮垞繫囊沐日浴  
月百寶耀藏案南山使掩豆釀東海使置酎美矣茂  
矣古之隆曷聞稱壽矣曩土扈之徠王悉蒙吉于燕  
覆會

聖節之週甲躋靡遠而弗究  
縣縣黃教彙宗受治化  
於祆正泰濛極西維

先聖發祥其一敬關觀耿焉維

後聖介景其一奉表延頸焉  
謁偏祖糗青稞涉戈壁  
揚法螺候吏接待名王問訊  
暉暉戢戢蕃長時覲羔  
跪肅承寵頭競進受摩頂之  
片詞等錫馬與襲袞自  
遠自近羌螳轉於塞垣旋磨  
集乎

行苑孔子曰民可使由之不可使知之

聖人柔遠夷者爲奉天無私非爲其延介釐也救佛  
號者爲因勢利導非爲其神設教也彼演揲轉經之  
宗旨孰與無逸書屏之符揆波旬刹那之避退孰與  
元貞展運之際會辨香織罽之納貢孰與夏璉商瑚  
澤手獎重搖瓠卷角之操音孰與鐃鐘特磬順耳雅  
情而顧優而柔之煦而噢之誠揚

聖祖收喀爾喀之

烈以爲烈納達賴來歸之

心以爲心也感神至誠天道益謙興慶興聖掌故詎  
堪於斯之時下驗喁而迪慶

上沖泊而引恬澹乎黜浮淵乎保泰屏芹曝之獻施  
雨露之沛級百寮禰祖逮秩百神岳瀆對肆薄胥官  
大資師儒厲工商惠贊幽明福中外

渠七十而自從椿八千而莫大人見爲憂勤惕厲之  
可紓而不知

恭壽之銘丹書人見爲淵虛冲漠之已甚而不知

靜壽之訓曾論爰乃弧南蘊精爲章

帝庭蕭斯湛湛多稼告成白鹿擾園鸞聲鶴聲五老  
一詞九老千社海湧會於華嚴山達呼於嵩野惟民  
樂之大同鬯

皇風以純嘏曰德動天曰天眷德

德斯安而若勉

天常健而不息巍巍堯則舜曰協華我

皇德艱斂福用加曰萬有千歲正位凝命字眠長世

曰博厚高明悠久也



釋典 謹序

吳省蘭

臣惟植祔殷祫揆同疇曩山原朝拜書缺有間  
焉顧大宗伯之屬或司祭墓尚書大傳周本紀  
皆紀武王上祭於畢馬融以謂畢文王墓則其  
禮實椎輪姬室後漢光武謁長陵者三有事十  
一陵者四孝明率履弗越致甘露降樹之異和  
安以下舉亦謹矣自晉迄明時或修述第史氏  
豔傳以飭儀度致感慕爲極若循是繹迺締繫

勤飭政本翊裕萬禩者未之前聞臣嘗竊怪太宗有唐令辟備衣饌欲薦陵寢迺召齊士員謂從官曰朕若親行便勞扈從遂自抑止命江夏王道宗代行嗣終唐世惟永徽一謁昭陵開元一謁橋定諸陵而已意魏徵獻陵之對所繇感發惜不能格非納善坐視其主數典忘祖而不自知也推惟

聖清肇域大東撫燾宙合

興京

盛京奉爲舊邦其山曰

啟運曰

天柱曰

隆業儲靈甄貺若神鼎之崢嶸

三陵康焉

皇上祇亮荃宰懋席蘿圖繩

祖武而追來孝自癸亥至戊戌三謁

橋山愛懋致誠錫美闔澤

巡歷逾習優懷滋懃舟瑤陟降之原旆鉞指撫之野

攷地徵事

宵旰惓然錯事布宜是

訓惟曰欲至於萬年越歲癸卯符虞巡之五載爰練

時日昭事

祖陵

上典於是乎四舉

臣

謹案五帝之書爲典尚書堯典

傳言堯可爲百代常行之道爾雅典常也經也  
周禮六典疏常經卽是法式臣以應奉文字爲  
職媿不能効揚摧萬一嘗伏讀

聖製敬自尋闡仰見

冊寶有貽藏之

誥

壇廟有整葺之

諭岳瀆有新字之

制城廬有嚴工之

命秘閣有皮書之

記藩服有柔綏之

詔胄筵有聰聽之

訓星潢有敦敘之

旨他若班朝錫燕優老譽俊練士肆旨蠲賦惠農商

卹行伍

紫綸所及萬彙春回然後展謁

東陵

回鑾告

奉先殿而慶大禮之成亦剏亦因法可世守堯舜  
牆有典斯在竊不揆顓眎撰繹典一篇謹拜手

稽首以獻其辭曰

於顯哉瞻卬大圜消陽無計量相因爲氤相昱爲氤  
垂有常象資始大生號物有萬熙於默成疇弗報本  
返始而歸貺乎太清粵若叡智率親率祖桀度仁義

雖遠必追綿綿生民之初謂篤不忘廟以貌之君蒿  
肝鬻猶未足以偁誠幅而釗精氣於所藏蓋以教敬  
致嚴勸無疆也茈茈鯽儒剽傳章句擊文泥古弗克  
緣情章禮宣範於後柄鑒無所取材若訟是聚刺水  
窒源而誼乃昌於建元典午崇陽之埵拓拔盛樂之  
琛仙李三原之窮天水永昌之殲或數或疎有舉莫  
敢廢耶律完顏循典無曠元馭區夏朝起輦谷然皆  
密邇圻甸或十舍五舍而遙地不必其開述志不必



在攷憲毋慢焉已明徙其都睇鍾阜如四極中葉以  
降昌平結轡彼太室之弗親尚遑問夫神域限中外  
以一牆跬步弗踰庭戶趑趄不自照更遑恤締造之  
籓沐風雨哉是用

上帝弗馨厥德乃東顧遼左將全界所有而我

聖朝膺圖籙以龍興俄朵也伊古積善累德顯統運  
期景命長遠者莫過於蒼姬履武敏歆載造郅室不  
甯棄稷自竄公劉厥之幽館允荒君宗是依古公避

薰育走馬岐下一傳再傳養晦遵時遂前歌後舞施  
輕呂於坵野義士猶或非之謂口實不啻於升陬然  
而雅材繼作肇祀則陳卽室匪康則緬涉渭遡漆沮  
之陶復述疆理於道兌其詩曰無念爾祖又曰駿命  
不易一篇之中三致意焉矧我

帝業之會昌也朱果靈皚孰與祈祓於郊禩三姓渝  
平孰與爭田之質成赫圖阿拉之復孰與止旅於芮  
鞠尼堪外蘭之蠱孰與構譏於侯虎七恨之賁仇孰

深於串夷九部之摧功孰多於伐耆八旗分屯軍孰  
整於三單三田受降信孰周於崇墉

帝出乎震不崇朝而翦四路之旅天聰崇德繼奮

皇武旣環躡其郊邪舍而弗取彼不數稔養癰自感  
君抗憤以殉國臣歸命而乞師我

世祖爰命宗袞整旅入關雪其彌天之恥蠲我夙憾  
沛我新惠嗟生氓無主解水羣飛然後

御宸極而大居正繩契已往易姓受命應運之際有

如是哉德若湯武猶有嫌焉奚論豐沛與淮泗夫宅  
中圖大宰世之樞也追本敬始詒燕之撫也載毫者  
係景柏居鎬者憊原茶豈以西泰東約殊哉憬惺乎  
肇造之機符也左遼右瀋

帝省溥原長白隆興

天作高山

列聖經營鼎於是成馮翊之所鵠豷精氣通行固萬  
葉以爲量矣

章皇帝紹天闡繹鎮中區以運四維

仁皇

憲皇繼文繼伐虔輦洽平重熙乃究

福壤辨域邇圻因乎時也且我

聖祖功德大成枕矣晷矣樹神明之式愍戀滿珠曰

維初宅三厯

陪都誌永言裕維則也

聖考躬代事於潛邸十三年中貞度勅幾不遑日昃

時蓋有所俟

皇上愆雲雷草昧之難辛率

祖攸行發祥積慶洄測其源自乾隆八載殷禮肇稱  
緝

五朝之重光觀

四祖之丕靈涉山海之嶮隘履肅慎之墟趾景光橫  
甸之皋考度三關之圖訪戰蹟於鐵背界藩蓼芬尚  
間吉林松杏呂翁山之厓采土風於威呼法喇拉哈

周斐額林帕格羅丹賽集之細優宗潢藩部扈從留  
守陪臣髦俊耆耆武士之殊施秩徧神肆覲賜酺簡  
軍行獮宥罰給復卹商之茂禮旣備迺復洞洞屬屬  
如也越十九年再詣如初四十三年

上儀三述視甲戌

天子謂敬以愛達禮以義程感以慕至情以性生謨  
以遠裕政以久成鑒古者邇不泄奉先者章弗忘典  
莫切於上

陵也

重巽以申之後甲先庚諄迪雲祏億禩欽承迺定三載

簡命皇子朝

三陵之典而期嗣舉於十數年然而

乾行之健無息

大孝之慕不遷蓋推敬

祖者以格上下神祇卽推法



祖者以究保聚休養故重墼周塼將作具暉也靈川  
秀岳祠官新庀也嚴闔峻堞金湯申鞶也帑庫廩倉  
完鑰慎董也四庫全書籤厨再就版閣曰

文溯於過澗之義湊焉聞河貢璆俶篆

懿號侯其禕而迺祇晉

世室馳昔琢於舊京之

闕宮禮惟時惟稱惟宜也旣以翊奉

命寶胄親藩侑焉容臺又之

皇帝曰時哉朕瞻拜

園寢五稔於茲夙夜繾綣動合志其練吉親往報饗  
爰諏孟秋自

避暑山莊啟趨

帝厘行扈烝徒之涉霖潦冒暑暘也期展八月屆時  
日月會於壽星諸藩從臣賜景抃蹈呼

萬歲賀

聖節越旣望

日車東轍高涼載塗塞寓激節由

惠迪吉門指柳條邊而進發蒙古四十九旗札薩克  
各率其屬歡呀拜匍入九關臺門奉天宗臣統軍卿  
尹庶尹奔走伏謁咸述厥職九月戊戌謁

永陵癸卯謁

福陵甲辰謁

昭陵酌及陪塋當是時霜露旣降

皇情怵然通微合漠如存如生目想形留民無能名

至誠乙巳

上至盛京

園丘

方澤

堂子

太廟咸致禮焉迺翕翕習習還

蒞舊宮十亭翼如二木崇如循省

堂構豐規廊閣入室出戶儼若暇假

音容函香裸鬯徧於方望迺

御崇政殿大朝會朝鮮王使臣奉表起居在列蹈舞  
班末蕭露繼湑需雲累霽象泰之交孚兌之說類親  
賢樂利之情示勞來匡直之惠十賚肆施若甘露霈  
淥澤醴郁昔加渥焉於是周親卿士百執事相和而  
歌曰練時日兮

駕巡東徠

珠邱兮精禋通幽居憩兮朝酆宮開

南端兮降福崇渙

慈惠兮懋賞重神人和兮四海同候人曷吏相率而  
歌曰畢司灑兮箕司除肅與衛兮

帝之謨吾何力兮

賜級都慎封守兮襄區區膠嶺黃序塾之子挾冊而歌  
曰景

成謨兮閣鳳翔猗作新兮

文溯光員增廣兮勸就將維

壽考兮作人長子  
衿青兮民之望  
備有造兮戩奉璋  
旗莊編戶之衆  
操業而歌曰

堯留韭兮

禹留糧  
歲四鬴兮胥樂康

曾孫甸兮富子藏  
蠲復蠲兮箱斯倉  
稱

萬壽兮躋公堂  
驚孝悌兮力田  
獲秣給衾服之士  
擊刁斗而歌曰  
右鉏耨兮左斐  
蘭維弧矢兮夙  
所便

德威鬯兮包垓  
埏偃玉鈴兮職  
負簞備不虞兮  
於久

安旅暉暉兮武桓桓奏爾能兮

皇情歡優脩廩兮九府圓酬

渥惠兮嫻軍團齟齬飴背之麥奉粟帛而歌曰牢執  
豕兮酌焉匏享泰平兮如春醪近

天顏兮承嘉褒祝

聖壽兮

天高高億萬歲兮偕忻翹飛

翠華兮曳雲梢矜疑省釋之徒脫縲紲而歌曰園之



土兮福之堂犯有司兮憚不遑

堯曰宥兮踰所望劇自懲兮順非常懿景燦頌聲作  
猶且循粉社考茨掾勅

萬幾酌民言裁豁山而渙號難震綳以披章勤勞七  
起紹衣詮詳維巡之初

賦以昌之義用昉彰長言不足

詩以永焉總再至三至四至而

家法治法彌闡大韞繫年駢輯

申命天潢蓋勸九歌俾弗壞之義也沛宮父老南陽  
故舊依戀

翠輿雲瞻日就

皇上俯鑒盡誠

玉鑾爲之宿留迺履疊道之坦蕩

撫戰圖之阻難班岳秩川邈邈入關翼翼舒舒循薊  
門而朝乎

東陵禮率初孟冬旣望

蹕旋京師告嚴事於

祐室所謂通於神明光於四海者也

緒業肇荆篤丕丕基

聖有謨訓信如四時制雅輯頌炳蔚來茲彼重來上  
陵之曲麥陳神怪推敷漢儀以昔視

今若日芟之儻大椿不已僊乎遂作頌曰闔門基祥  
存

原嶽焉翊衛

陵園視京輦焉

仁祖勤止訏謨顯焉

聖皇丕繩甄美善焉於萬斯年

成典焉

徵符 謹序

邵晉涵

臣 晉涵稽首頓首言欽惟我

皇上篤祐延熙

化融久照五十有五載歲在上章恭屆

八旬萬壽聖節和離枕被煥焯珍符薄海臣民咸戴

景承輝翺祥忭豫變攸驩飲詠揚於

仁壽之宇

臣

竊惟唐臣柳宗元作貞符篇言受命休

符不於祥於其仁詞指甚環然當時眇功德可

紀語皆蹈虛臣遭逢

盛世備員史館親見

洪猷懋績景鑠於前古炳耀乎來茲謹推天人感應  
之原撰徵符一篇用顯著

大德受命必得之符謹見諸實徵以禱晒亦禩其詞  
曰

粵若

昊蒼篤佑我

聖清撰合德肖

化久總成我

皇上御宇初載太歲在辰實惟唐典伊耆踐阼之歲  
肇嘉運於上元冲漠宣厥繇引翼彫鴻迺若默感兆  
於

睿衷曰予一人寅承茲丕丕基劬績

祖武恪修圖蒞予惟是繩厥

貽諷持久以孜孜爰翊亮

天工信飭庶采

命四方大吏毋奏祥瑞迺昭事

欽若謹禮於

圓丘

方澤秩於上下羣祀

親奉瓚幣祁寒盛夏惟無斁迺

紹德言嚴

對越禴祠嘗烝奉灌薦秬芬芬苾苾



寶訓

員錄雜誦周環煜顯茲

謨烈迺

諏詢於廷廣集益圖收寧其各敷陳講義軌正史闡  
常經迺董正邦治

批章展牘晷發無遺

名卿寺以瞻對覲岳牧以周咨迺

勤小民之依穀數民數司農歲稽偶邁偏隅薄診

恩膏醲沃給餉給糜迺

詔大小臣工毋偏厥黨毋毗厥私毋飾術以嘗巧毋  
名浮而實漓其勤慤乃職蠲絜乃忱汝或有纖曲之  
隱疇克揜於

旭日之照臨維時翔洽茂豫鏡榮燭和潤殷賑於阜  
庶昭玉律與金科叶以龔乎之舞颺以康哉之歌春  
華夏楸凱養澍濡十餘年之間六合之內融融皞皞  
衍衍如也

皇帝淵然篤念撫茲懋圖曰惟

天惟

祖宗肸蠁豐融

嘉貺懋告曷敢不肅迓

鴻庥仔鉅倣又以紹茲久道且夫鉅典之允敘非其  
時弗舉偉畧之克登非其人弗承盛業之用襄非其  
道弗彰今旣秩祐修和厯禡錫羨矣尚克持之以恒  
行之以漸寧或不竺虔寧或不獲勉爰於重光協洽

卷之二  
之春肇舉

南巡之典先期給內府緡錢平治路衢隴安其耔市  
樂其估祇掃除乎郊陌泯絲毫之供輸

天子乃登禮名山釐治惇俗進資滌垢優老給復造  
士陳詩詰戎載韞愉歌夾道

闔澤霑霑若丑若午若酉

籌河

觀海計萬姓以枚恬

躬臨相度至再至三亦粵十有五載隸子及辰河澄  
展鏡海靜鋪鱗歸德則增堤擊砮汜塘則甃石嶙峋  
普東南之美利民應草而孳春

澤益覃焉

惠益厚焉前後凡三十有四年

六巡之典懋焉西師所舉衆論持疑

宸謨獨斷算握前幾鼓致果於勁旅策兼程於接餉  
或宣之圖或授之策準部則摩壘犁庭回部則衝圍

駢捷凍解於雪山烟澄於月窟用以昭助順於

天心揚洪輝於

前烈五年而大功告成桓桓焉翼翼焉天山環遶瀚  
海迴旋我田我牧我井我泉徠驕驍於西極貢珍琳  
於和闐繫金川之負固也始荷解網之寬終恃負隅  
之險氷合箐迷懸崖側厂

王師進討削砦平碉燹薰其窟烏誓其巢計周詳之

區畫稟

睿算之持堅凱還奏績亦聿五年地過乎三峴威懷  
乎九姓土司喁喁更番歲覲

大武所由昭者定也

聖代右文集成今古汁光曜於東壁之躔挾精華於  
羣玉之府通廣藝苑之獻書或挈之簾或連以軸通  
披永樂之叢編則澄其金則簡其礫恢恢罔罔鱗鱗  
焯焯紛羣言以香薷若齋滌濯濟攸百谷以漚歸推  
揚潛隱研覈轡華咸折衷於

聖裁綴零編與散帙胥璧合而排排遊卷端而

題咏宣

至論以昭垂釐以四部儲以

四閣青絳素黔應時辨色淵津源溯際潢會極綜其  
分帙積十四萬而贏四千溯觀成於肇迪計程期以  
十年劉向輯畧之錄荀勗中經之簿孝緒七錄之編  
方斯隘矣賈惟五三六經之傳

顯道惟彰稽則承翼冠德卓猷者申散崇慶疇則云



壹溫質闇而洌浮與沈閱兆以鬱乃詡揚也昭茲  
帝綽相時監裁成以茂對蟠濯祺嘉亘古一會絳穆  
邵臧將朗敷夫

閱業迭運行於逡躔必引以舒長之養日

大聖人至誠周洽成功之歲月每炳乎幾先

滂仁協義持恒引久俟應乎

天庸煥懿樂庸翊洪延是則浸以

渥澤久迺彌浹纂以

武功久迺益崇矢以

文教久迺益飭記曰久則徵徵則悠遠亶哉忱矣  
大聖人之德之純亦如

薰載之融以淳耀也

皇帝祉偕春茂德與日新伸符

仁壽溥

錫福於兆民藏富閭閻崇墉櫺比正賦全蠲益三而  
爲四臺海寧瀾社番內首式廓戰圖

武成告九

嘉惠南邦增峙三閣

詔許傳鈔鳧趨爵躍爰建辟雍壁合水圓流古香於  
芹藻備上善於成均列岐陽之獵碣結瓊彩於籀文  
煥

鴻章於集錦詞擷舊而爲新爰表百官令章維則文  
釐厥司武晉其秩爰究河源闡訛都實淮井濟崇通  
情四瀆爰備中和

長清三子詩集卷一  
審定樂章鑄鐘特磬球雍鏐梁慶隆進舞萃麗焜煌  
爰

訂全詩爰

調古樂七均攸儲八能遞作譜合於南幽雅頌律協  
于重敏迭經風醇俗謐感人和平斯悠遠之徵所爲  
浸潭逢涌磅礴埏埴哉月正元日誕布

溫綸

醴恩廣惠

異命重申迺

東巡於泰岱象司春而

溥仁溯泉林以

釋菜緬合揆而同規洵生民以來所未有茲乃道備  
於

君師

聖天子強固精明之體純純常常體健行以不息延  
厚德以無疆裕

五世之慶開

五福之堂圖陳王會合宙騰驤貝函象譯徼棧瀛航  
西踰天竺東指扶桑而南交之君長亦依

光入覲請

錫冠帶陪寮案鞠脰以上

萬年之觴皇哉煒哉乾符坤珍燦著融光嘉徵稟至  
抔園顱方距跂行喙息之倫僉懌然於

顯道之彰

天子製八徵耄念之寶猶亶亶於敬事醲政演疇斂  
福肅乂哲謀彙

聖猷而時若爰茲八表雍睦協氣薰蒸瑞人駢接濟  
濟繩繩學生四乳庶兆日增合居九世提抱雲仍揚  
輝戴曝爲升爲恒潤和

壽宇是爲至順之徵